



Inatsisartunut ilaasortaq Pele Broberg, Partii Naleraq  
Inatsisartut Allattoqarfiat  
/Maani

Allakkat ulluat: 06-08-2020  
Suliap nr.2020-12494  
Akt id. 14409496  
P. O. Box 1037  
3900 Nuuk  
Tel. (+299) 34 50 00  
Fax (+299) 34 63 50  
E-mail: oed@nanoq.gl  
www.naalakkersuisut.gl

### § 37 naapertorlugu apeqquteqaammut nr. 2020/ 122-mut akissut

Inatsisartut Suleriaasianni § 37 naapertorlugu Naalakkersuisunut apeqquteqarputit.

Apeqqutit imaapput:

1. Naalakkersuisut nunatsinni innuttaasut akitsuutitut, akiliutinullu nalinnaasunut unioqqutitsinermilu akiliitsinermi akiliutigineqartartut Naalagaaffimmut nakkartartut annertussusaat tamakkiisumik ilisimasaqarfigineqpaat?
2. Aningaasaqarnikkut allaffissornikkullu qanoq kinguneqassava? Naalakkersuisut pisussaaffilerneqassaluarpata Naalagaaffimmut saaffiginissuteqaqqullugit tassani qulakkeerniarlugu Naalagaaffimmi akitsuutitut Kalallit Nunaanni akiliisoqartannginnissaa, akiliinerit nalinnaasut kiisalu inatsisinik unioqqutitsinermi akiligassiisutaasartut akilerneqannginnissaat isumannaarniarlugit?
3. Pisortanut Namminersortunut innuttaasunullu Aningaasaqarnikkut allaffissornikkullu qanoq kinguneqassava, pappiaqqanik nalilinnik naqissusiinermi akitsuut pillugu Inatsisartut inatsisaat nr. 8, 31. oktober 1987-imeersoq atorunnaarsinneqassa-galuarpat?

1) pillugu

Akissut:

Apeqqutip akissuteqarfiginissaanut Inatsisinik atuutsitsinermut ministereqarfimmut saaffiginnipput.

Inatsisinik atuutsitsinermut ministereqarfik paasissutissiivoq Naalagaaffik Kalaallit Nunaanni assigiinngitsunik oqartussatut suliaqartartoqartoq, aammalu apeqqummut akissuteqaat naleqquttut iluanniitinneqarsinnaanngitsoq. Erseqqinnerusumik akissuteqarnissamut apeqqutip killissalersorneqarnissaa pisariaqarpoq, ilanngullugu oqartussat sorliit innersuunneqarnersut, akiliutinut sunorpiaq apeqqut tunngassuteqarnersoq, piffissaq suna apeqquteqarnermi pineqarnersoq il.il.

Sullivinnik Nakkutilliisut oqartussatut suliaqarnerannut imaluunniit suliffeqarfinni sullivinnilu, Kalaallit Nunaanni sullivinni avatangiisinut inatsimmi maleruagassat malinneqarnersut Sullivinni Nakkutilliisut nakkutigisaanni, nakkutilliilluni takusaanernut, Sullivinnik nakkutilliisut aallaaviatigut akiliutinik imaluunniit akitsuutinik

akiliisitsisangitsut, Kalaallit Nunaanni Sullivinnik Nakkutilliisut immikkut paasissutissiipput.

Kisiannili aatsitassarsiorluni erngullu nukinganut ingerlataqarnernut atatillugu Sullivinnik Nakkutilliisut nakkutilliineranni aamma suliassanik suliarinninneranni il.il. aningaasartuutit utertillugit akilerneqartarnerat pillugu nalunaarummi nr. 798, 12. juni 2017-imeersumi, nunami suliaqarnernut tamaginnut, aatsitassat pillugit ingerlatallu tamatumunnga pingaarutillit pillugit inatsisartut inatsisaat (aatsitassanut ikummatissanullu inatsit) imaluunniit erngup nukingata nukissiornermut atorneqartarnera pillugu Inatsisartut inatsisaat (erngup nukinganut inatsit) malillugu akuersissummi pineqartunut ilaatinneqartunut, nakkutilliinernut akiliummik akiliisitsinissamat Sullivinnik Nakkutilliisut inatsimmi tunngavissaqalerput.

Taamaattoq Kalaallit Nunaanni Sullivinnik Nakkutilliisut paasissutissiipput, aatsitassarsiorfinni, erngup nukinganik nukissiorfinni il.il. suli nakkutilliilluni takusaasoqarsimanngitsoq, taamaattumik nalunaarut 798, 12. juni 2017-imeersoq malillugu akiliummik akiliisitsisoqarsimanani.

2) pillugu

Akissut:

Naalagaaffik Kalaallit Nunaanni kiffartuussinernik arlalinnik isumagisaqarpoq suliaqartitsisarluunilu, assersuutigalugu politiit aamma eqqartuussiviit. Kiffartuussinerit taakkua inatsisit Folketingimi akuerineqartut naapertorlugit aningaasalersorneqarput aqunneqarlutillu.

Folketing-ip inatsisaa Kalaallit Nunaannut atuuttoq tunngavigalugu akitsuutininik, akiliinernik akiligassiissutinillu pineqaatissiissutigineqartunik naalagaaffimmut akiliisoqassanngitsoq Naalakkersuisut kisimiillutik aalajangiinissamat periarfissaqanngillat.

Taamaattoq allannguutissanik aalajangersimasunik siunnersuuteqarnissaq siunertaralugu naalagaaffimmi oqartussanut saaffiginninnissamat Naalakkersuisut periarfissaqarput, assersuutigalugu akiliisitsinerit pineqaatissiissutigineqartut Naalagaaffiup karsianut tutsinneqassasut pillugu pinerluttulerinermut inatsimmi aalajangersakkani. Taamatut saaffiginninnermut atugassamik ilaatigut suliassaqarfimmik isumaginninnermut, soorlu eqqartuussiveqarnermut, isertitat suliassaqarfimmut atasut Nunap karsianut taamaallaat tutsinneqartussaallutik, aningaasartuutit naalagaaffiup karsianit taamaallaat akilerneqartarnissaat naapertuunnersoq, isumaliutersuutigineqarnissaa pisariaqartussaavoq.

Taamaaqataannik isummersorneq aallaavigalugu, inatsisinut Inatsisartunit akuerineqartunut tunngatillugu, inatsisit naapertorlugit akiliisitsinerit pineqaatissiissutigineqartut Nunatta karsianut tutsinneqartarnissaat, ataatsimut isigalugu ukiorpasuaru ilungersuutigineqarsimavoq. Taamaattoq akiliisitsinerit pineqaatissiissutigineqartut Naalagaaffiup karsianut tutsinneqassasut, suli Inatsisartut inatsisaanni pisoqaaneruseruni assersuutissaqarpoq, takuuk assersuutigalugu Kalaallit Nunaata erflasua pillugu Inatsisartut inatsisaanni nr. 6, 11. juni 1985-imeersumi § 5. Aalajangersagaq taanna inatsisip tullianik iluarsanneqarnialernerani ilanngunniarneqassasoq ilimagineqarpoq.

3) pillugu

Akissut:

Naqissusiinermut akitsuummumut ilaatigut akileraarusiinissaq siunertaavoq, ilaatigut nammineerluni akiitsoqalernerup annertussusaata killilersimaarneqarnissaanik kissaateqarnermik siunertaqarluni.

Naqissusiinermut akitsuummumut ukiumut 35 mio. koruuninik missai akilersinneqartartut, Naalakkersuisut oqaatigisinnaavaat. Taamaalilluni akitsuut atorunnaarsinneqarpat Nunap karsianut isertitassat, ukiumut aningaasat tiguneqartartut annertoqqatai, annaaneqartussaapput.

Akitsuutip atorunnaarsinneqarnerani Nunap karsiata isertitai annikillisussaapput, tamatumalu kingunerisaanik sipaaruteqartoqartussanngortussaavoq imaluunniit suliassaqarfanni allani akileraarutininik qaffaasoqartariaqalertussaalluni. Peqatigisaanik aningaasaqarnikkut amigaatigineqalersut taakkua aningaasalersornissaat isummerfigineqarani, akitsuutip taassuma peerneqarnissaa, tunngaviatigut isumaqanngilaq. Tamatuma saniatigut nammineq akiitsoqarnerup annertusinissaa aammalu pingaartumik pigisanut aalaakkaasunut akigitiit qaffariartulertussaasut, naatsorsuutigineqartariaqarpoq.

Maannakkut akitsuusiisarneq, innuttaasut qaffasinnerpaamik isertitaqartartut akileraarutininik akiliuteqarnerusarnissaat pillugu tunngaviusumut, naapertuuppoq.

Akitsuut peerneqassappat, tamanna pisortanut namminersortunullu annikitsunik, kisianni pitsaasunik sunniuteqassasoq naatsorsuutigineqarpoq.

Inussiarnersumik inuulluaqqusilluta

Med venlig hilsen/ Best regards



Vittus Qujaukitsoq

Aningaasaqarnermut Naalakkersuisoq